



MOHAMMAD Shatar (kanan) melancarkan Perpustakaan Digital UPSI di Kompleks Akademik, Kampus Sultan Azlan Shah, Tanjung Malim.

Oleh Ihsan Noorzali
am@hmetro.com.my

Tanjung Malim

Akses sejuta bahan digital

UPSI universiti awam pertama bangunkan Perpustakaan Digital

Pandemik Covid-19 yang menyebabkan mahasiswa tidak dapat ke kampus untuk meneruskan pengajian secara bersemuka mendorong Universiti Pendidikan Sultan Idris (UPSI) di sini mewujudkan Perpustakaan Digital atau *UPSI Digital Library* di Kampus Sultan Azlan Shah, Proton City.

Naib Canselornya, Prof Datuk Dr Mohammad Shatar Sabran berkata, UPSI menjadi universiti awam (UA) pertama yang membangunkan Perpustakaan Digital sekali gus membolehkan lebih sejuta bahan digital terutama buku dan jurnal elektronik diakses oleh mahasiswa serta staf.

Menurutnya, inisiatif itu adalah norma baharu dalam menggunakan perpustakaan yang langsung tidak mempunyai buku dan diyakini ditunggu-tunggu golongan muda.

"Kebiasaannya kita datang

ke perpustakaan dalam suasana banyak buku, namun Perpustakaan Digital ini sememangnya tiada buku iaitu situasi yang luar biasa.

"Saya berharap mahasiswa dapat menggunakan kemudahan yang dibangunkan dengan kos modifikasi sebanyak RM335,000 itu dengan sebaik-baiknya.

"Sasaran kita ke arah menjadikan UPSI sebagai Universiti Nombor Satu Pendidikan terbukti

pada hari ini (semalam), malah mahasiswa boleh mengakses di ru-

mah sahaja menggunakan telefon pintar masing-masing," katanya.

Selepas melancarkan Perpustakaan Digital semalam, Mohammad Shatar melawat fasiliti yang disediakan di ruang yang tidak mempunyai sebarang buku dengan konsep *library as a place*.

Hadir sama Timbalan Naib Canselor (Hal Ehwal Pelajar dan Alumni), Prof Dr Md Amin Md Taff; Pendaftar Helmi Zaifura Abdul Rahman dan

Bendahari, Mohamad Najib Mohamed. Semen-

tara itu, Ketua Pustakawan, Siti Sumaizan Ramli berkata, warga UPSI boleh mendapat lebih sejuta tajuk buku, artikel dalam jurnal dan tesis elektronik.

Katanya, ia mampu melonjakkan prestasi pelajar dalam konteks mencari bahan rujukan menerusi <https://upsi.overdrive.com> yang akan diintegrasikan dengan portal pustaka pada <https://pustaka.upsi.edu.my>.

"Mahasiswa tidak lagi mengalami kesukaran dari segi logistik ataupun lokasi sebab mereka boleh akses daripada bilik masing-masing di rumah pada bila-bila masa," katanya.

Inisiatif itu adalah norma baharu dalam menggunakan perpustakaan